

地800  
8646

鴻雪間情

滇行紀畧  
甲辰夏仲菊水自題





滇行紀畧 甲辰夏錄

菊如自題



道光十七年丁酉孟冬月由江右楚南赴  
滇省迤南普洱府威遠任覲省

念六未正啓行附義烏金之桂舟至蘭谿  
縣時天氣初冷河水適勻篷窻無事作  
字讀詩兼領畧青山紅樹亦甚自得也

惜日為風伯所阻至嚴州轉港後順風  
揚帆大暢人意

初三辰初抵蘭谿厲南門恒升店與

認堂梅尉

兩兄長昕夕話別杯酒談心計盤桓六

日

留別梅尉長兄疊踏荷行兩闕  
雁序聲和鷓原影互哀情正好挑燈訴



撩人爭奈是離思未曾歡聚先愁去  
綠水青山白雲紅樹今霄酒醒知何處  
相逢已不多時相思無奈須禁住  
別緒千般離愁萬縷臨歧翻覺無多語  
椿萱兩地各分承望雲都莫思量苦  
念載論文千年賦可憐捐稊還如故  
從今萬里隔雲山前程各自期無誤  
留別趙月植世叔  
苔岑重晤又將離話舊情深感不支本  
以文章通世好况兼詩酒訂心知相逢  
爭奈為期促小叙翻添後日思從此懷  
人千萬里不堪春樹暮雲時

二

初九巳正啓行附義烏 朱星林 舟至常山

縣過龍游縣後岸敞山遙水亦平濶

初十過衢州府城面河有浮橋一座過

後則河勢紆曲水淺灘多距常山雖只

一站甚費牽挽之力十一亥刻泊三里

灘離城三里船到時即有行戶來迎并



代剝行李至厲

十二卯刻步進小東門至周三十行恰與  
恒升客葉慎翁益豐客汪侶翁同厲因  
同到縣署城隍廟一遊

城隍廟甚宏敞 邑令莊公于是日試  
武童又到南門較場一觀考者不過卅  
餘人

三

十三卯刻乘筍輿過山見一路肩夫往來  
絡繹于道如蟻緣附而行因嘆利之驅  
人固無不踴躍爭先也

聞前十數年路被小車推壞極難行旋  
修旋地後邑令劉公先嚴禁小車再勸  
捐重修復康莊大道商旅咸歌頌之并  
立生祠于東津橋側  
劉公在邑頗多政績後以調簾竟溺斃  
于富春江



四十里草萍街尖是地有巡司駐防前五里為屏風關後五里為曹會關均依山築城乃江浙分界之所

尖時與粵東張君祥鑑遇同到吳彩興店小飯一見情殷如舊相識再廿五里為太平橋輿夫必息肩小憇店中少婦扶

四

轎笑迎如不飲茶店主即冷言相諷且有怒容以色招人而又以勢欺人狡矣又十五里玉山縣行家均在西門街常玉過山亦猶錢浙過塘行李但點明件數初不煩親自一：摒擋也予厲祝華封行

行主祝君福生

晤恒升客姚鳳翁頗蒙照



拂因同至街上步月上關鷹武廟看灯

戲

十四僱舫子船赴省

又名四艚  
板及會昌等舫  
大小官

價亦極昂

船與歙浦駁船相仿而頭尾

較高光澤亦過之後為官艚中為爨所  
前即伊等眠食之處也惜沒遮攔耳午

五

刻啓行方欲領畧雲山披閱書史漸覺  
頭岑々然口酸作嘔遂擁衾靜臥泊後  
挑灯起坐作字讀詩依然故我也始知  
舟小且輕未免為搖擺所累船戶 陳發  
祖鉛山縣人操舟者三人

江西一路土酒有紅白二種紅者色濃  
味甜名曰伏酒白者色清味淡名曰冬



酒每斤約廿餘文兩冲殊覺合味

十五早辰過廣信府亦有浮橋一座申初

泊河口鎮官埠頭步至益豐號候

瑞章  
燦亭

兩宗長薄暮回船忽聞鄰舟相喚推篷  
一望又與張君祥鑑遇即邀入艙一談  
意外相逢更增款洽復到伊舟小坐蒙

六

示自鈔曲譜及日記紀游詩極工緻詩  
亦清新惜南東異路不得約伴同行為  
悵然久之設至戌末歸舟

張弼韶臺行三番禹籍本科順天副榜  
議叙雲南提舉司職人極個儻一見便  
覺殷：情觸于中偶成四韻留贈  
丰裁一見便縈思僥倖山村邂逅時此  
會本從無意得論交却似久心知蓬窻  
重晤還愁別萍水相逢轉恨遲可惜雲







十八早辰過安仁縣將晚過龍津驛人烟

頗稠夜泊壩口

沿途漁舟極多網大數丈每下一網則  
四舟相聯

十九午時到瑞洪距湖口廿里舟子云渡  
湖恐晚因泊舟卡邊有武官駐防屬饒  
州府餘干縣登岸一遊魚美且多價亦  
極廉

將晚船唇小立見張君祥鑑舟亦到遂  
命移船共泊登舟攀談因將留贈詩送  
閱極蒙褒許并承酬七古一章

舟已刻至官塘口渡鄱陽湖秋高水落湖  
心悉露沙洲但見風帆遠橫天末固不  
見烟波萬頃也吳梅村詩云遠帆看似



定信然渡湖後逆流而行夜泊赤寨潭

塘

相傳此地土比省城較重故省城有四十八衙署此城地廟宇如之

念一午刻到江西省即附小官板船至蘆溪其船共五艙中三艙為官座裝潢頗雅後為爨所船戶黃千毛廬陵縣人未

九

刻登岸進章江門至撫藩署萬壽宮一遊宮供許旌君貨物攤之多亦如吳之元妙觀出廣潤門登玉滕閣閣臨江背城極其高聳想春水生時憑眺更佳中堂屏鏤王子安序翁方綱書壁名題甚夥惜僅匆匆一覽薄暮回舟



滕王高閣聳江隈作記交推王子才不  
是好風爭得到至今人尚說時來  
輕舟暫泊豫章城高閣登臨感慨生帝  
子流風才子簾文章勲業兩闕情  
玉山至省西流八百里河道漸流漸寬亦  
猶徽河之會歸于浙江也

江西所用洋蚨色黑而毛擲之聲如銅錢  
念二泊义市鎮有巡司居民亦稠日來天

十

色晴明頗有春意

念三泊豐城縣二王廟前進西門一遊

和桐城張君靜齋韻  
鄉情原蒼碧雲天此夕蓬窓對榻眠尚  
真一帆風力送大家齊作地行仙

念四申刺泊樟樹鎮是地為藥材聚會之  
所街市頗熱鬧臨江府分防通判駐此



豐城道中  
輕棹發豫章兩岸平沙散遠樹辨微茫  
長天看浩蕩日隨飛鳥盡心逐浮雲往  
回首新安江青山勞夢想

念五未刻過臨江府殊蕭索夜泊灘頭一

路灘不高而水甚溜日行僅五六十里

聞是日冬節偶得兩絕  
忽聞佳節今朝是寂寞蓬窓感此身一  
樣光陰添弱線輸他繡閣度針人  
年：至日都嫌短今日舟中轉覺長惆

十一

悵離家已一月雲山萬里尚茫茫

念六晚泊羅坊有浮橋一座奉新縣巡司

駐此

舟中無事繙閱唐詩因將得意之句集  
為掛帖得五言二聯曰青山澹吾慮白  
日懸高名 忘情學草木把酒話桑麻  
得七言一聯曰繞郭烟嵐新雨後小欄  
花韻午晴初 他如心與白雲間芳草  
閉閭門 天生我才必有用 腹中貯



書一萬卷好事家藏萬卷書皆超脫而瀟灑者也尚無強對

念七申刻到新喻縣臨河有塔亦有浮橋  
泊南門埠進雲津門至縣衙學署一遊  
念八過袁家渡後兩岸青山一灣綠水大  
似故鄉風景未免有情誰能遣此夜泊  
曹家渡距分宜五里

十一

分宜下流十數里兩山相夾河中亂石  
峒嶙水深而溜舟至此必焚香而過想  
水大時更難行  
到袁家渡時即見左右兩高山頂聳出  
尖石如塔問之舟云人是嚴坟想亦齊  
東之語

念九辰刻過萬歲橋橋十一洞相傳造自  
嚴奸舟泊城下因進城一遊城南有閣  
臨河額曰譙閣又有嶽峙淵渟額二十



里至昌山塘過浮橋南岸有聖母廟行  
旅無不瞻拜因亦展誠晉謁廟不甚大  
亦無碑誌考聯額所載似即 天后宮

將晚孤舟泊潭灘

是日灘多非水碓即水車亦如徽河界  
口以內夜舟人諄屬謹慎因挑灯抄詞  
十首  
許鶴沙滇行紀程云過辰陽船溪驛見

農家取水灌田巧而且逸分宜溪邊即  
有之其法于溪之急流處築石成灘乃  
設竹車兩圍製如水碓之車大可二大  
用竹筒傳于車上每筒相距兩三尺其  
筒向內一面截口受水輪旋而上升則  
筒中滿水已至車頂筒口向下水即下  
傾岸上設一高架剗大竹橫受之如屋  
中橫棍接受簷水者然再節之相引入  
田雖遠可到徽河多灘似可做而為之

過分宜八十里地名下埠岸傍一峯高聳



羣山環抱殊秀麗查類腋所載知山名  
仙臺下埠想下界之訛

臘月朔未刻至袁州府泊袁山門外進城

至總兵署前雜髮

半月餘未梳髮梳時殊暢因知起居日用

樂事頗多習則為常耳又至府縣兩城

隍廟遊登東城雉堞一望至府縣兩署

十四

及昌黎書院遊出秀江門過橋學署前  
眺覽片刻薄暮回舟往還計十數里城  
中已遊大半矣

秀江門外有石橋七洞未至府里餘有塔  
峙於河畔如筆尖然

兩城隍廟均居城東偏縣廟十殿聯帖頗



佳惜匆々未記々府廟一聯云莫糊塗  
磕了頭  
去須仔細模着心來

縣署大門外聯云

願百姓孝弟力田各安  
爾分有一語譁張為幻

莫入吾門極覺自然

昌黎書院即漢之宜春臺故址居城中央  
小山上供昌黎伯院旁一寺額曰第

十五

一峯對河左右兩山拱照眺覽最佳唐

人詩云

素山大小隻螺並  
秀水東西一帶橫實景也

初二孤舟泊馬蘭灘距西村五里是日灘

高且多如運河石閘然每上一灘必推

挽半時

均是水車所築必五六舟  
聯幫而行方易為力沿途

山色頗有秀媚峯巒



初三巳刻泊張家坊

船家將各客行李起  
剥又將風帆棧板等

物寄存只一空船  
據云水大亦難行

進前

午刻啓行沿途

水淺灘多沙洲擁塞舟行甚費人力為

上岸步行數里至宣風塘坐候薄暮登

舟即泊

初四河勢更覺紆迴水不盈尺宛如陸地

十六

行舟申末至蘆溪厲賀啟堂行

行主賀  
君敬祖

薄暮步至橋頭街上一遊有木橋二座

均額曰宗濂萍鄉巡司駐此

初五乘圍轎過山十二里牛岡鋪八里高

岡鋪息肩恰遇大雨一陣又三十里萍

鄉縣路殊崎嶇沿途茶肆亦是女伎當



壚但落落大方不似玉山道中之殷勤  
款接也

東門外有石橋五洞行家均居橋邊厲賀

啟泰行

行主賀君輝茂

申刻進城至縣署遊

恰值

邑令王公試武童因至西門外較場一  
觀者百五十人聞童文有一千四五  
百人回時恰由城隍廟學署考棚等處  
過

十七

至文華堂購別裁詩暮薄回行

初六僱小麻陽船一隻赴常其船與小蘆

鳥船相仿而裝潢過之共三艙有門遮

攔操舟者三人食即後稍眠則船頭但

高不容身為局促耳予居前艙頗可讀

書作字眺覽亦佳船戶

滕永龍

麻陽人



辰刻進城一遊已刻登舟檢點行李午  
後復到建和館小飭半晌

初七泊湘東片時船戶上岸取風帆桅杆  
等物以來時寄存一路灘高且多亦如

袁州道中夜泊善人橋

舟行搖拽殊難作字日來天陰稍有冷  
意來船上灘用盤車

十八

下灘

雙漿刻山溪蕩漾河之湫忽聞灘聲未  
軒然大波起扁舟隨水瀉揪舞疾如駛  
蕭：怒濤飛宛似風過耳既下復回旋  
山轉蓬窠裏篙師齊用力轉瞬已數里  
較彼上灘舟難易真倍蓰嗟哉天下事  
進退都如此

萍醴交界處云是昭王得萍實之所

初八申刻泊醴陵縣橋邊

石塚六洞上則  
用巨木排附而



成鋪以  
平板  
泊  
登岸一遊亦頗熱鬧又行十里

初九泊唐山口日來東北遂風微雨

初十已刻至涿口鎮入大河醴陵巡司駐  
此過此後則波平水濶岸敞山遙舟亦  
棹頭而行前此以尾為頭防水溜也夜

十九

行卅里二更時泊湘潭縣帆檣林立想  
亦一大都會惜不得一遊

夜行  
淡月朦朧照孤舟趁夜行遠空疑岸沒  
近鋪見燈明水與天同色波因櫓有聲  
今宵何處泊驛鼓已三更  
忽聞人語響知已到湘城桅密千檣合  
潭深萬象清人家看隱約燈火漸分明  
小艇頻來往高呼賣酒聲



十一點燈時泊長沙府是日河道更寬烟  
波蕩漾大似富春江景惜為風伯所窘  
不得立船唇暢覽

十二風阻未行辰刻進小西門一遊人烟  
稠密市肆整齊而富庶則遠不逮江浙  
到坡子街祝融殿遊殿不甚大而雕梁

廿

刻棟極細緻正殿聯云尊五偉以光昭  
拱極呈祥道隆  
赤帝福三相而丕應回風著異靈佑蒼  
生

濯錦坊賈太傅故宅在太平街今為貨  
物灘所居僅存舊額門外徘徊不勝惆  
悵到蕙泉室飲茶沿河聞望見大西門  
對岸樓閣參差圍以紅牆未識是何名



勝午後回舟風雨交加窓中又為頭蓬  
所掩陰晦如夜默坐一無所事復進城  
由坡子街至紅牌樓臬司署遊又至祝  
融殿閱福華小班遶演走雪一齣神情  
頗肖薄暮回舟

長沙阻雨  
長沙自古樓遲地

今日飄零過此州風

廿

雨無端留客住瀟湘何事帶人遊定王  
臺古空餘跡賈傳祠荒祇益愁惆悵征  
帆終日泊蒼茫惟見水東流

十三上天同雲似有雪意西北大逆風河  
中浪高尺許寂守篷窓倍形蕭瑟  
十四風浪不少息勉行數里即泊舟小且  
輕簸揚不已使人作惡終日



阻風賦憶秦娥一闕  
風波惡江山寂寂愁搖落愁搖落無情相浦帶  
人飄泊篷窗耐盡閒蕭索還將往事  
思量着思量着有人凝淚挑灯寒閣

十五風浪依然悶悶午後坐划舟登岸一  
遊知地名山砂礮距省十里有洞庭宮  
亦有小店數家田畔閒行半晌

十六風軟波平行百廿里黃昏時泊林子

廿三

口相陰分縣駐此臨河有門額曰鎮江  
舟人于三更時即起開行進小河上水  
云大河即至漢口九江等處

夜月明如晝有感于中偶成四韻  
蒼茫萬里渺雲烟水靜沙明月滿天照  
影遙憐三地暮辭家已見兩回圓况逢  
短景催流歲再覩清輝又隔年白髮青  
春同易老傷心不為客愁牽



十七瓦雀溪入大河下水申刻過沅江縣  
無城距縣南北里餘各有浮圖由縣北  
入小河初更泊舟沙岸舟人云自此赴  
常均逆流而行矣

長沙以北水勢平行岐流甚多遠望亦極  
曠濶

世

十八過黃泥天心兩湖水落洲露如在夫  
河中行將晚泊沙岸云地名昌舖距常  
百廿里

十九東北風緯帆互用夜泊定恩苑

二十未刻至常德府泊筆架形以城上女  
牆有三尖如筆架然

大小麻  
陽泊此

登岸到大



河街上薙髮將晚回舟即附大麻陽布  
船至鎮遠船戶舒家貴麻陽人操舟者  
七人

念一早晨檢點行李過船予居中艙覺寬  
而且穩殊妥帖惜窻榻低小不便暢覽  
耳已刻至木馬頭咸昌行候誦山王

廿四

君同進東門遊城隍廟遊相傳

神為浙  
紹興餘

姚人姓朱名穎元己丑進士曾任本府  
太守清廉公慎歿即為神

廟前有勅書樓其正殿一聯頗關合有

情雪逞風威白占園能幾日田  
雲從雨勢黑漫天地不多時

府署大堂前有沼并亭相傳官是缺者  
每每緣事削職因創建以制風水今即



為升缺矣人遂以升官名之又至江南  
新安兩會館一遊出南門額曰寶耀復

回行餘晤

吳江君在中原

薄暮登舟

常為京省入滇黔者水陸必由之戶故舟  
車駟輳貨物聚集官游賈客亦多於此  
寓家焉

廿五

念二天曉啟行將晚泊山脚山上有塔舟  
子云地名菟花塔距縣十里

念三早辰過菟源縣東有漳江閣西有川  
上亭城隍廟亦面河又行數十里見山  
巔一亭問之舟人云是菟源洞後山距  
洞三里夜泊白石鋪



念四早辰過穿石石峙立河畔高十餘丈  
上有廟中有洞洞廣約丈餘前後通如  
穿故名過此後則重巒疊嶂應接不暇  
綠樹陰濃宛如夏景亦漸聞流水有聲  
夜泊界首

念五行數十里時見河畔一峯高聳形如

廿六

鐘鏞絕頂重閣翼然傍一山相並下聯  
而上斷山腰駕石梁一洞以便登臨左  
右山盡瞻顧依廻亦一勝景也舟人云  
是瀾月岩又十餘里進清浪灘河中怪  
石嶙峋水深而溜遠望如在石罅中行  
然玲瓏剔透亦復耐人顧盼云是灘有



四十里之遙夜泊王爺廟前

念六過清浪灘後潭深水靜舟亦蕩槳而  
行約數十里又覺灘聲聒人耳矣舟人  
云四十里灘三十里潭即此夜泊朱宏  
溪

念七東北順風惜為灘阻僅行五十里夜

廿七

泊山脚舟人云是洲急塘

念八早辰泊辰州對河有塔登岸進文昌  
門一遊城上即魁星閣出下南門登舟  
風順水平舟行如駛計八十里夜泊小  
龍潭

念九午後過仙人房見懸崖水際石皆壁



立其最高石罅中尚存屋形數架不知  
始於何時又何從出入俗以仙人房呼  
之稍側有船長八尺許橫石洞中俗稱  
仙人所留沉香船也

許鶴沙東還紀程云從軍西蜀時見攻  
洞者洞口在懸崖上廣下削無策可登  
乃製小船繫以巨索從崖頂縋而下與  
洞相對乃破之以為此船非當年建屋

廿八

之船即後來破屋之船然計洞中高廣  
所容不過十人且在絕壁之上何昔人  
不憚攀援而居此又相傳鼎革時民人  
避兵之所意當時有後洞可通今或梗  
塞未可知也

洞左石形如駁臥馬馬首昂然凸出左右  
有兩小洞為目神情逼肖昔時鄉人相  
驚謂馬食禾遂擊破其口今馬口駁落







卷有情千里共雲山相對一樽開不愁  
短景今將盡無限韶光後即來幾日繁  
華滋萬彙欣：都是向榮回



戊戌年元旦已刻吉行五里過辰谿縣又  
行十里泊地名大泮潭閒步至辰谿進  
南門學署前一遊額曰宮牆萬仞薄暮  
回舟辰谿對河有石峯壁立水際山腰  
有亭

初二風和日麗頗有春意夜泊懸崖下過

淑浦港口五里

初三早辰過辰谿灘石多水淺宛行徽河  
界內晚泊赤龍灣距桐灣十餘里登岸  
一遊山川環繞村景頗佳田中菜花已  
放數枝夜村人以龍燈鼓吹而來并有  
童男女二人連袂盤旋高歌俚曲各船



俱以爆竹迎送

看道旁村男女打秋千半時其製于門  
前隙地豎一架中懸兩木木頭傳以橫  
板人坐其上搖拽以為戲亦可兩人相  
並捷者縱而上升直與架齊并覺婦女  
居多

初四雲霧瀰漫終朝細雨如絲夜泊冒渡  
塘

二

初五早晨過黃獅滾洞灘、峻石水急下  
水船稍不戒觸石即破夜泊沙灣

自錄詞選小序

驛路三千勞人遠涉關河萬里快我壯  
遊倚權披吟錦纜牙檣之作憑窓眺覽  
白雲紅樹之村第以久坐蓬舟未免漸  
形蕭瑟看山則經旬意索誦詩亦百回  
厭生旅况無聊鄉愁易觸迺于豫章書  
肆購得清倚軒詞選曼聲細轉逸興適  
飛文以言情但覺纏綿已甚巧不傷雅



非徒綺靡為工于是敲壺擊鉢藏寫在心因而研墨調朱借書于手此日對雲山而染翰鈔就芙蓉楊柳之篇他時藉檀板以循聲知是鴻爪雪泥之迹爰訂一卷用紀數言

初六午刻至洪江泊萬壽宮前到南薰太平等街一遊

洪江乃常德鎮遠適中之地五方雜處人

三

烟稠密賈舶俱為少憩并辦買桅纜口糧等物會同懸縣巡司駐此

聞徽人在此業油者數家業木行者甚多有徽州會館鎮遠行家直接到此  
初七以起駁貨物未行上岸閒遊并登村

後山眺覽半時

道旁梅花盛開油菜心亦上市



是地有天后宮 大佛寺 神農宮  
太平宮 伏波廟 飛山宮 文昌宮  
忠烈宮 司署在太平街

初八申刻過黔陽縣東有重閣掩映于叢  
樹之中西有芙蓉樓即唐詩人王昌齡  
送辛漸處也由城外西北轉港其南河  
云至廣西夜泊荒岸距縣七八里

四

初九未刻過高利灘石高浪猛合數舟人  
力始得牽挽而上夜泊足站

丙年春移種紅梅一株次年花枝燦然  
今想更爛漫矣詩以憶之  
官游蕭索艷陽辰客裏逢春不當春料  
得窻前梅一樹開時還憶種花人

初十風阻勉行十里至中方塘即泊啓行  
以來是日最為寒冷



書自錄詞選後  
余鈍于質披閱書籍一目不能一行而  
筆性之鈍較讀性記性為尤甚舟行搖  
拽又苦不得靜終日操筆僅三四百字  
今至洪江已得錄成一帙愈知長途寂  
寞非此不足以為蓬窻消遣也賦滿江  
紅兩闕附書于後  
遠溯滇陽憑一葦乘風破浪經歷過洞  
庭彭蠡豪情跌宕九十光陰雲水共八  
千里路闕河壯把楚南江右古山川都  
遊訪瀟湘岸平沙敬辰沅水輕波漾  
快擊楫中流駕風而上萬疊雲山供坐

五

臥千重烟樹隨游蕩儘消閒更有一船  
書晨昏向  
振藻寒芳手一卷蘭臺標格况對着一  
溪烟景一窻山色殘月曉風楊柳岸斜  
陽古渡兼葭側試憑窻低拍雨零鈴詩  
如畫供吟嘯宮商律借消遣朱黃儘  
扁舟客與不曾心急學寫銀鈎聊鱣倦  
重吹玉筵還追憶想閒情搖拽櫓聲中  
書成帙

十一風雨阻未行



十二雪阻午後坐划舟登岸一遊進潘氏  
祠看戲祠主潘老殷勤款接頗盡地主  
之情因攀談半時

十三薄暮泊藤篴灘脚是地亦有龍灯鼓  
吹而來如家鄉軟龍燈

未至榆樹灣一里岸傍有天生石橋一洞

六

俗以仙人橋呼之對岸有雞公石自洪  
江折而東北行過此復向西南計安江  
至榆樹灣水路二百二十里旱路僅六  
十里耳

十四將晚泊七里橋

十五已刻至沅州府泊半時



江西橋十四洞又名龍橋上鋪大板列肆  
貿易中央有亭每洞基上亦構木為屋  
予到時河右四洞遭燬於火已成斷橋  
矣進西門過萬壽宮鐘鼓樓俗傳樓下  
有洞深不  
可測即西遊所稱無底洞處今樓上尚  
供大士以鎮之  
出東門相距僅里餘耳

七

對河廟宇頗多惜多未游河畔有鐵牛  
半埋沙中

由洪江至沅州四站四圍稍寬濶過此後  
又復山迴水繞矣灘亦倍峻

是日行四十里薄暮泊關東夜月明如晝  
十六將到便水驛河畔有塔夜泊荒岸舟



人云滿天星灘脚

十七泊新店距晃州數里

十八午刻至龍溪口人烟湊集亦為臨河  
一鎮市又行三十里為界牌塘入貴州  
界夜泊富機江貞節坊前

十九泊洪崖塘

二十已刻過玉屏縣東有筆架山稍前有  
方石削立河右似畫中雲林皴法層層  
堆積狀若書帙上峙華表額曰萬卷書  
岩西有掇翠亭架于山巔夜泊石垸塘  
過玉屏後始見兩岸水車純用小竹編  
成更覺輕巧

念一泊清溪縣對河有萬壽宮







門曾德裕棧午後至府縣兩署試院萬  
壽宮中元洞遊又到城隍廟看戲係土  
著數人扮演俚語村言極可發笑居人  
名曰洋戲

鎮遠府居萬山之中峯巒聳拔依山為城  
城分兩岸中架石橋七洞上峙華表額

十

曰萬里車書橋南為衛城橋北為府城  
文武署亦分城而駐水路上阻諸葛洞  
頑石為梗土人用小舟運貨物牽挽而  
過亦只可達黃平州

陳子重滇行紀游云諸葛洞相傳武侯  
征蠻鑿開運糧者然非洞也乃兩山徒  
夾一溪後為大水衝兩岩巨石梗塞中  
流舟楫難行明黔撫郭子章開通舟民



稱便焉旋復塞國朝制軍卞三元復澹通今復巨石壅斷即如葉漁舸不能行矣諺曰若要此洞開除非諸葛未豈其然歟

中元洞在橋之南額曰入黔第一洞天內祀大士巖外架一高亭其曲穴交穿較靈鷲飛來峯尤覺玲瓏剔透也西行數武為青龍洞曲折不及中元而隆聳過

十一

之俯視府城烟火歷歷在目遙望對山一徑逶迤而上云即文德關大道

念五檢點行裝并定夫立票另有夫行承攬本棧不過庸客兼代辦轎損等物無他事也然銀兩均須交棧主人收亦須伊至夫行定價行旅往來多費以此處



發包封若干票上均註明銀亦代為封  
好

念六辰刻啟行出西門十里過文德關坡  
高里餘兩山陡夾至巔有閣東曰羅甸  
咽喉西曰滇黔鎖鑰雖不甚險實鑿開  
一綫之道也相傳奢香所開或曰沐公  
始闢又十里為相見坡：高千仞三重

十三

迭起登首坡則尾見陟尾坡則首見立  
中坡則首尾皆見相距不過數里而三  
上三下循山曲折而行有三十里之遙  
望城坡距施秉縣十里登其巔可以望城  
故名南里許即諸葛洞施邑本偏橋衛  
今移縣治治焉城外有石橋十三年為



大水衝今僅存數洞申刻到厲衡順店  
適同鄉宗人枚署縣事因便晉謁情頗  
殷：堅留一宿晤三位少君其二少君  
燠號敬修年僅弱冠尤覺溫文可親晚  
住存素書室

二更後大雷雨數陣是地出黃楊木梳

署中梅杏均已開殘柳亦青青可愛

念七辰刻啟行三十里至飛雲巖巖下有  
溪石梁亘之度橋歷級而登仰窺覆如  
華蓋宛若萬疊雲頭隨風舒卷縱橫數  
丈餘下砌平石上供大士像蛟龍獅象  
之屬分懸左右均石乳滴成者岩前石



峯聳立如屏有亭翼然計岩中石無一  
不似雲形其玲瓏剔透非數日不靜對  
不足以盡其勝洵天下之奇景也徘徊  
半晌幾留戀而不忍去左有飛泉一道  
如玉龍蜿蜒而下橋邊古刹為月潭寺  
名題甚夥僅記忠勇公傳恒一額云巖

壑大觀是日海蓮和尚導遊各勝酉刻  
到黃平州厲徐復興店

黃平本衛即古牂牁郡今移州治治焉尚  
有老黃平為澗水發源處

飛雲岩  
天逞離奇闕此峯玲瓏無語可形容飛  
騰尚恐隨風去舒卷居然弱石從倒削  
鋒稜垂疊：高懸駿驤積重：壘窠有



此神靈跡欲訪仙人去住蹤  
陳子重云岩下有洞深不可測或云達  
鎮遠後山又云月潭寺中有王陽明先  
生碑記

念八辰初啟行三十里至重安江有石城  
江濶數丈深不可測樹棧于兩岸中貫以  
索循索曳舟而渡古名牂牁郡以此渡  
江後過老君坡坡平長約里許申初到

十五

### 大風洞厲曾永興店

大風洞又名雲溪洞道書所謂時蒼洞天  
距厲店半里洞深濶約數丈有清泉從  
洞中流出涼風蕭瑟水聲潺湲殊竦人  
肌骨旁有小洞然薪秉燭始可入聞有  
蒼龍白虎石鍾石鼓等勝後門在楊老



西與平越接壤深蓋二三十里矣由洞  
口左轉歷磴而升至半有洞形如覆釜  
從洞中至岩上亭眺覽半時

念九辰刻啟行重至大風洞一遊十五里  
過清平縣未刻至楊老驛有石城厲李  
三元店夜雨日來天陰頗有冷意

十六

夜郎祠即漢夜郎侯以竹為姓三月間香  
火極盛今名其祠曰竹王祠

二月朔日辰初啟行路滑微雨三十里過  
葛鏡橋長三洞高十餘丈四山環遶壁  
立千仞中束一水名麻哈江深碧色橋  
邊岩上鐫三字曰響琴峽蓋上流水從



峽出潺湲不絕相傳昔皆懸絙以渡沉  
溺者衆明嘉靖時里人葛鏡建橋以濟  
再建再圯乃率妻子刑牲以誓曰橋之  
不成有如此江遂破產經營成之至今  
賴焉又廿五里酉刻至黃絲驛厲侯明  
發店是日頗冷遠望高山有雪

過施秉後沿途均用煤火氣頗難聞  
店家菜蔬頗新鮮可口味大似瓢兒菜  
初二辰刻行路滑五十里未刻至貴定縣

人烟頗密市肆亦寬厲西門內陳姓店  
是日天氣陰晴無常片雲過則洒雨數  
點午後飄霰一陣到店後又復天晴日  
朗矣頗冷土人尚圍爐

初三辰初啟行十里五里牟珠洞又五里



過甕城橋橋長三洞又四十里申刻至  
龍里縣厲徐三元店

牟珠洞又名憑虛洞洞門如闕闕前一石  
笋憑空峙立四面玲瓏宛似萬竿脩竹  
上立大士像石頂開一洞天日光斜逗  
明朗可觀右轉數武則須秉炬以游矣

十八

有千重塔七重塔各一座其層級可歷  
數也鐘石與木魚石相聯叩之一為金  
聲一為木聲迥然各異羅漢十八尊或  
坐或臥神情無不逼肖歷磴數級有小  
洞屈身盤旋始可入寺僅僧導游僅至  
此予不能舍因自持炬蛇行而進數步



後復寬敞石色如白玉以火照之金星  
燦爛地下石骨均作盤螭形四面嵌空  
玲瓏使人應接不暇再進十餘步尚有  
一小洞可入忽々不得一窮其奧然悵  
然久之晚次旅廡彷彿勝遊紀其大畧  
如此要其空靈處天造地設目覩尚覺

迷離恍惚非筆墨所能形容萬一也

初四辰初啟行廿五里谷脚塘是地房屋  
以石片代瓦石塊為埽遠望亦頗別致  
卅五里圖寧關有可憇亭再五里為會  
城厲清威門周永成店

貴州省明初設宣慰司隆慶中改貴陽府



設黔省總為通滇計故滇南重地實取  
道于黔中一綫惟百粵與滇接壤或由  
霑益或由廣南俱可直達昆明

貴省城長約十里街道宏敞市肆整齊不  
減江右楚南等省西門外聯城相傳為  
老城予到時適打醮出會見臺閣三架

廿

亦頗可觀

城門有闕 土產雄精器皿描漆皮匣  
遵義綢等件

初五辰刻進城至撫署前一遊已刻行卅  
五里狗場塘厲劉天成店

黔省以西山皆箇：自生不相聯絡且石  
骨巉巖童然不毛田皆石底上惟尺土



秋收後種雜糧者殊少

阿江哨以上左右高山內盡為苗穴約三十餘種大約垂髻垢面衣長領衣以髮盤額前予只見青花二種青苗週身衣青花苗以花布裹頭足富者即貫一銀圈于項苗婦以筒布為裙長僅齊膝而

廿一

褶疊之多不啻百褶

初六辰刻行廿五里清鎮縣

城內有兩尖峯突起上各

有廟三月間遊人極盛

三十五里申刻至蘆荻塘

寓榮祿店

是站路平里數亦較長陰晴住店後風雨一陣

初七辰初啟行廿七里過安平縣卅里未



刻至石板房厲王長春店

過蘆荻塘山皆平地突起或如鐘鏞特豎  
或如鎗槩矗天或如烽墩孤立無復瞻  
顧依廻之狀

初八辰初啟行路平五十里午未至安順  
府厲十字街貴閣官店到儒林街提督

署鍾鼓樓閒遊并登東門城眺覽片時  
安府順府城圍九里闌市宮室均宏敞民  
居亦稠昔嘗議立為省會以秤土較貴  
陽輕故但移提督駐此城門有關自清  
鎮抵滇界十三驛俱為所轄乃黔西孔  
道也



道旁杏花盛開菜花亦多然梗小枝稀殊  
不及江南一畦之中間以豆花覺五色  
錯雜頗可觀

初九辰初行路平六十里申刻至鎮寧州  
厲福星店夜大雨

過馬場塘後左右山宛如砌石而成厚只

數寸而自踵至頂無稍參差故是處房  
屋以石片為瓦者多

初十小雪路滑未行至州署城隍廟遊是  
日恰逢市會州人謂之街期菜蔬糧食  
居多錢計輕重不計大小入市者各持  
一戥錙銖較量苗婦種類不一有梳辮



者有擁髻者皆衣花衣赤足而行亦各  
以生菜貨于市

十一辰刻坡多尚平廿五里白水舖又卅  
八里申刻至坡貢寓萬福來店居室宏  
敞且開窻面山眺覽最佳

白水舖有石橋五洞額曰白虹橋水自東

廿四

北高山峯半流下瀑布如簾倒瀉石壁  
至橋已飄三四折矣過橋數十武懸崖  
數仞寬十餘仞水從峭壁下注綠潭白  
練千條噴珠卷雪水氣如霧瀆濺飛洒  
百餘步真大觀也相傳潭內有犀風清  
月皎之時往往出遊其龍湫掛處有水



簾洞隔岸有碑曰雪練晴川亭曰望水  
最好憑眺

由白水至亦資孔分兩道一由永寧安南  
普安等治所經有關索嶺象鼻嶺錢索  
橋白雲坡雲南坡險峻難行其一則所  
行坡貢之路也康熙初老鷹岩等處諸

廿五

苗為梗行旅不通今則為滇黔孔道由  
永寧者尠矣

十二辰初行坡多六十里未刻至即岱有  
城安順分府駐此厲西門外謝雲集店  
沿途村戶春聯頗多佳句記二聯云莫  
放春秋佳日去最宜風雨故人来  
學于古訓乃有獲樂夫天命復奚求



過鎮寧後山川又一變矣山高萬仞蟬聯  
不斷遙望尖峯如槩如筍者連亘挿天  
十三辰初行十三里打鉄關即上坡高里  
餘路甚崎嶇十里拉幫坡塘對望拉當  
坡烽堠相離不過咫尺而過一峽渡一  
橋均循山曲折而行故有十五里之遙

又十里茅口屬永寧未刻到厲恒豐店  
茅口以西市物純用青錢黃銅者謂之毛  
錢雖大不用也

十四辰初行半里過西林渡以鄂文端公  
始設船故名是站坡多輿人云廿四箇  
毛谷箐言自茅口至花貢一上一下有



廿四處耳未初到腐范三義店

西林渡口有老樹一株大可合抱長幾參  
天是時恰開紅花大如玉簪顏色絢爛  
極可愛土人名曰扳樹花

十五天明啟行卅里登老鷹岩高約十里  
盤折而上為黔道第一險峻之山過後

廿八

卅里重坡疊嶺亦復攀陟維艱未刻到  
磧子窞腐瑞府文店夜月明如晝辭家  
已見四回圓矣憶東坡不應有恨何事  
常向別時圓之句為之憮然

陟絕老鷹岩憑空石棧嵌萬山環突兀  
一綫走岷崑峯聳竒如削天低碧欲劍  
臨高還叱叙一樣志非凡



十六日出啟行廿五里過庚戌橋橋三洞  
鄂文端公建公自康熙丙午用兵勦苗  
至庚戌成功因名橋南即南車坡高里  
餘又廿里至楊松厲金恩榮店

過老鷹岩後天色清明極其和暖風則排  
山倒嶽聲如雷吼輿人云雲南風來矣

廿

路入滇黔搃不平一峯未盡一峯橫山  
從對面嵯峨起人向高頭屈曲行為奉  
晨昏馳遠道敢將辛苦怨長征旅遊賴  
有春消遣雜樹多不識名

鎮遠以上旅舍宏敞器物精潔過楊松後  
遠不及矣入滇界六站均在樓上居宿  
亦頗寬

十七日出啟行卅五里劉口汎有闕廿里



未初至大山凹塘厲時聯升店

不寐

輾轉難成寐  
淒涼燭已灰  
萬千心上事  
偏向此時來  
關心須起早  
愈覺臥難安  
明月床前照  
無聊幾度看

沿途雜花生樹半不知名大約桃杏之  
屬居多千紅萬紫頗可娛目

卅

十八日出啟行五十里亦資孔有城有驛  
興義縣巡檢駐此午刻到厲蕭榮升店  
十九辰刻行廿五里平彝卡前朝平彝地  
今屬普安州十里勝景塘為滇黔交界  
所路南有石虬亭聯曰  
吾愛此石亭下  
民喜有亭  
石骨嶙峋如盤龍然對門即伏魔大帝



廟也再上數武有鄂文端公功德坊額  
曰德業宏峻時值重修尚未告成又十  
里王真觀亦有一坊東曰紫氣東來南  
曰彩雲南現五里平彛縣屬撫州黃店  
自鎮遠登陸廿里二日入滇界陰晴之日  
居多諺云天無三日晴言三日內必有

卅

數番雨以潤之非終日浙瀝不止也  
自平彛至省均係泥途居民可用牛車載  
物來往山亦平遠無復嶽崎歷落之狀  
又多鸚鵡諸禽鳴聲上下客懷為之一  
暢

二十辰刻行三里至清溪洞一遊洞修廣



如飛雲岩而玲瓏處遠不及矣洞中有  
洞額曰慧炬光昭廟祀秉燭導遊進十  
餘步甚宏敞舉火四照空々如也再進  
有鐘鼓石叩之彷彿相似石壁為烟煤  
所薰黑如漆覺無甚可遊又五十里未  
刻至白水站厲蕭店其鋪家之婦當壚

招客較山東荏平腰站為尤甚

念一日初出行卅五里海子哨過小坡後  
雜樹生花綠楊夾道平疇萬頃中豈花  
菜花五色相錯大似江南風景又十里  
霑益州以兩水相交故舊名交水午刻  
到厲後街二公館官店其為桑間濮上



猶白水站也

和壁間詩元韻

平疇萬頃古盤州回首江南動客愁風  
景宛然花似錦曉程無奈月如鉤慣經  
春色誰擡眼懶聽嬌歌但點頭為悟當  
壚諸少婦長途已敝黑貂裘

念二日初出行七十三里未至馬龍州  
厲北門外劉福盛店

卅三

念三天明啟行六十三里過涼漿哨塘後

道旁有觀音院聯頌為乾隆初年江南

先曾叔祖

宗人名世續題聯云

公任知州時  
盡劃可道遙忙什麼  
得坐且坐何須煩

燥渴急了額曰冷然善也又十里關嶺  
有茶吃茶

塘坡高半里又五里申刻至易隆汎厲

豫章唐店



關嶺又名小關索嶺史書亮盟南人于木  
 密即此道旁有會盟碑有老柏一株大  
 十數圍半生半枯枝葉蒼古四圍以石  
 碣曰武侯手植坡嶺有廟三層送上前  
 祀順忠王殿兩旁有銅馬二云相傳是  
 唐時物中祀伏魔大帝有鐵刀二各重

金聖嘆批本三國志第  
 一十七回丞相南征時閑  
 索投見云自荆州失陷  
 逃難在鮑家庄養病今  
 欲赴川恰好途過大軍  
 丞相即令為前部先鋒

百餘斤後祀武侯額曰凌霄萬古又曰  
 三代後第一人聯云一心一德悲五大  
 浩歌傳錦官城外七縱七擒靖三江之  
 癘雨綸巾羽扇遺範留關嶺廟中  
 登巔一望羣山可俯而視也  
 世相傳順忠王為前將軍第三子名索  
 從丞相南征為先鋒多建奇功王人祀  
 之水火災厲禱之輒應故血食千古今  
 瞻其像英氣奕々廿許少年也然考三



國志前軍將祇有二子無第三子名索者且不知何代勅封義勇英武威烈感應順忠王許鶴沙以為即次子闕興有闕嶺索考存永寧州廟

念四日初出行卅里河口屬雲南府卅里大山塘見一水汪洋千頃聚而不流土人名曰海子隔岸即嵩明州十里土主山塘過小坡循平田行十里為楊林未

卅五

刻到厲洪發店

楊林屬嵩明州有驛井陌成行人烟湊集到觀音寺一遊

念五月初出行五十五里過觀音塘道旁有廟額曰東橋勝景又五里板橋楊升菴詩云

還如謝眺宣城路南浦新林向板橋

即此處也未



刻到厲聯升朱店

念六辰刻啟行十里高坡塘有石橋三洞  
鎮以銅牛路旁有豐樂亭殿中塑關聖  
騎赤兔馬像卅里興福塘有江南會館  
興福寺沿途栢樹成林蒼翠可愛繡壤  
相錯亦極平敞十里為省城寓南較塲

卅六

高升店薄暮閒步較塲看放風箏大小  
數十隨風飄舞亦是一景

滇黔路雖崎嶇然較北上車行反暢適者  
有四美焉一日出始行不必受夜半風  
霜二重疊巒嶂步步引人入勝三肩輿  
平穩可以詩書解悶四無塵沙撲面

平



以上發大風時或有之 沿途房租之賤餘米之佳

猶餘事耳予行山東道每日尖宿須三

四 百文至此可供二三日用也

輿夫廿名以上即有一夫頭照管包封均夫行封固樓站而發較車夫亦易處置

入滇界後無日不風亦無日不晴風則走

石飛沙空中唏咤之聲不絕然至辰後  
始起且日從西南方來殊不可解花木  
五色爛漫樹亦葱蘢惟草則黃枯如故  
問之土人云五月得雨始生然花燭不  
須雨耶是又不可解也

滇黔鄉談大半官音江右等省尚多言語



庭間錄云康熙廿年二月貝子  
章泰營歸化寺西北此山馬  
山正北鸚鵡山寺左右石虎崗  
城北此山皆戒師壁壘  
又云十月廿二日趙良棟攻得勝  
橋寨礮臺攻大東門林興珠  
攻草海賴塔寺攻義浦四  
面逼城廿八日賊將關門降

不通處滇地房舍家：有樓墻垣俱用  
土也寧府志云覆屋既瓦因滇地風高  
明初奉勅特用通省為然  
磚瓦用圓筒者破而為兩以石灰研之  
防風揭也

南關外有金馬碧雞兩坊極其高聳乃百  
貨滙聚人烟輳集之所新市街宛如京

卅八

都荷包巷三府署前則為貨玉器者之  
所集也是時尚有雪賣以和密糖人多  
食之

萬壽宮距南城里許乃江西全省會館殊

巨觀

滇省土酒名曰仿紹味稍遜紹酒



念七進南門

額曰

至督撫署及城隍廟等

處遊城隍神為于忠肅公額曰赤手擎

天聯云

也先北遁天順南還千古功勳  
如在石亨叛誅徐理竄死兩人

富貴何為

府治前為古萊海今有海心亭二前綠水  
淪漪遊魚成隊四圍種以芰荷花開時

卅九

遊人不絕制府伊莘農額曰濠梁間想

聯惟猛摩癩令黃奎光所題句極瀟灑

可誦聯曰

有亭翼然占綠水十分之一  
何時閒了與明月對飲而三

壁上嵌大理石五中央石修廣兩尺餘

曰雪浪左右四石稍小曰春江飲綠夏

嶺鬱雲松林疎雨寒嶠清霜皆前制府



阮芸臺題用八分書分鐫石上東有蓮  
笑樓憑眺亦佳

螺峰在城東北隅又名盤坤岩倚山建圓  
通寺由寺進採芝徑登其巔可窮千里  
目也名題甚多俱鐫崖石上

五華山居會城之中為全郡風脉所闕上

罕

建萬壽亭左憫忠寺右武侯祠王楚堂

先生

一聯頗自然曰

興亡天定三分局  
今古人思五丈原俯

視烟火萬家歷歷在目城外滇海亦覺  
汪洋萬頃也

省城自天開雲瑞坊以南街道宏敞市肆  
整齊富庶有江浙風東西北三城遠不



及矣

三月朔日巳刻啟行四十五里未刻到呈  
貢縣厲中街聯升店

呈貢城內四圍栢樹成林登城西望綠野  
平鋪滇海亦覺汪洋一片

呈貢道中  
攀援萬重山忽然走平壤如鳥出籠中

四一

振翻心頓爽舉頭天地寬放眼山湖蕩  
麥田萬頃綠栢樹千章蒼道旁木香花  
含苞爭欲放未免聞香風時觸故園想

初二辰初行六十里未刻至晉寧州厲福  
照店

初三辰刻行三十里午刻至火燒舖厲聯  
升店



自玉山遇張君韶臺後馳驅四月無可  
與言者再疊前韻寄懷

寂寞長途誰可語令人却憶遇君時論  
交何幸情如故作客無聊味共知君有  
程以耽為客味之句岐路相逢終是別歸  
程雖速尚嫌遲君歸心如箭到章江時  
倍道而進欣君此日家居適記否章江  
各贈詩

初四卯刻啟行卅里刺桐關有小坡四十  
里玉溪橋橋七洞圍以朱欄上蓋板屋

相類園中船亭五里新興州屬潞江府

未刻到厲西門領曰棋高升店

滇省地高土燥故三冬不寒然何以盛夏  
不暑盖大風一發則熱氣盡散是日風  
小遂覺烈日逼人諺云風伯好滇想亦  
彼蒼愛人之至故日遣風以驅瘴癘耳







上坡山路四十里至雙龍橋有石橋二  
洞乾隆七年武德將軍謝光宗草書三  
字青石鑿成縱橫數尺列橋頭覆之以  
亭是路本係小道逢州縣治居民尚稠  
否則終日不見人家行人絕少即宿處  
亦不過夷民數戶生長富庶之鄉來茲

僻壤未免自憐

初八卯刻行山路四十里下坡平路十里  
至新平縣無城屬元江州午刻到厲萬  
寶棧是地土房居多房上亦用土築平  
以當晒場居民名曰土庫屋  
初五九卯刻行五里即上坡斜盤百曲道



濶數尺只容一人一騎且怪石當路或  
高或下稍一失足如轉圓石於千仞之  
上俯視茫茫心目俱眩計六十里下坡  
回望高峯插天崎嶇險惡尚覺心怖下  
坡十里仍在山上行路稍平酉刻始到  
海外厲夏店

四五

初十卯初行坡稍低路亦稍平五十里至  
蒿枝地宿

山行

前不見去路山勢若遮闌路後不見來  
路突兀萬峯攢中有一條逕屈曲如蛇  
盤窮日闕險阻嗟哉行路難  
左倚萬仞山右臨千丈壁俯視樹森  
平看峯厯天似有階升石還將路塞  
既下旋復上欲南反向北鳥道三千重  
費盡躋攀力



峯脚縱橫鋪巒巒頭歷亂起山隱雲霧中  
人行烟瘴裏狂風吹礫沙目迷不能視  
忽然見人家相離尺有咫欲息暫時肩  
未到心先喜誰知紆曲行尚有十數里  
平生志跌宕頗愛名山遊到此心惕  
常懷恐墜憂攀援時已久艱嶮夢亦愁  
何時履平地一笑役車休

十一黎明啟行即下坡計三十里至夏賽  
壩渡河是處為烟瘴地極熱此時業已

四六

插秧行旅者必須早過平路一里上坡  
巉岩峭壁層累而上計三十里極陡峻  
難行酉刻至大水溝宿仰視霄漢相離  
咫尺可謂穹窿之極輿人云尚在山之  
半也

清明  
不將佳節問清明生恐鄉愁動客情可



奈家亦知插柳插楊柳撩人還有子規聲滇人

記曾冬節滯江邊又是光陰百五天依舊長途耽寂寞綠楊空舞曉風前

十二日初出行路如之字百折千盤而上計三十里至巔身雖履地自覺憑虛而行過後崇坡峻坂委曲如相見坡輿人云卅二馬鞍橋廿四毛谷箐雖無此數

頗覺升降不已計十里下坡十里山神廟又十里酉初至轉馬洛宿

四更時大風雷雨聲如千軍萬馬往來驟馳

十三卯刻行下坡十里又聯登三坡計十里過後或上或下仍復崎嶇難行四十里薄暮始到者東宿



自戛寨壩上坡至轉馬洛下坡共百里兩  
日始盡總名哀牢山古哀牢夷地俗名  
恩樂坡林深箐密居民窻遠路途艱險  
之至以正月曾失課銀新設卡房四處  
上下坡無論轎不能乘即步行亦須人  
扶宿處不過數家菜腐俱稀誤聽人言

行茲險道既自悔復自嘆也

十四黎明啟行坡高且多六十里未刻至  
中坡塘距恩樂卅五里以輿夫難行只  
得即宿破屋一間四無居人店主家尚  
離十數武行路至此危乎艱矣夜看對  
山火燒如一條火龍蜿蜒而上亦殊可



觀

嶠峨以南高山無主樹木自生自長極其稠密彝人每俟乾燥時舉火盡焚雖有棟梁之材不惜也

宿中坡塘

三間茅屋景蕭然絕少居鄰住兩邊縱使閉門難禦盜欲求安堵但憑天主人有室離偏遠行客挑灯怯不眠腸斷一

四九

聲山鬼嘯驚人魂夢夜如年

十五卯刻行上下坡計卅五里日攀援于重岩疊壑之中極覺踣困煩厭厭午刻至恩樂縣過木橋六洞長百餘步覆以瓦屋平路一里又山路四十里薄暮至附鄉宿距蠻舊塘三里



老魯關有兩路一至普洱府一至新平縣  
由新平六站至恩樂縣與迤西大道合  
十六早雨辰刻行山路三十里午刻至太  
平村大雨數陣復晴輿夫以路滑不行  
只得宿居民李家計到署又遲一日矣  
凡事不能自料大率類此

雨阻有懷  
屈指行藤欲解時征車暫駐尚嫌遲無  
端更遇傾雨盆翻誤相逢一日期  
清明已覺客心悽况復泥滑馬蹄料是  
風塵緣未盡帶人還有五更鷄  
長途風雨原難料兩日行程想易過意  
外勾留雖一夜離愁翻比五旬多陸行  
五十餘日  
客館寒灯夜寂寥思量何計度今宵倚  
閣已誤多時立望斷行人又一朝  
十七卯刻行坡低路坦十里汾水嶺廿里



石頭塘遇雨一陣復晴卅里未刻至鎮  
沅州宿東門外 關帝廟左廂

十八卯刻行過兩重高坡路尚平計廿里

又廿里未刻至抱母井威遠撫彝府署

到署記喜

征裘卸罷此身輕一笑公然萬里行

河山尋勝迹半年跋涉感浮生晨昏久  
隔傷離別骨月相逢見性情可惜官遊

太遼遠全家未敢賦長征

三年悵望白雲端一旦相逢心乍寬不

暇從頭想別緒先將傳語報平安親顏  
頓覺精神健遊子渾忘道路難從此琴

堂春日永晨馨夕潔好承歡

自湖南沅江逆流而上灘高石峻至鎮遠

水勢已如建瓴由鎮遠至滇陽所過萬

山皆高險斗峻之坡自下而上間有下



坡較之上坡不及二三則滇之高于中  
州不知相去幾千里也按江南北極出  
地卅二度雲南北極出地卅四度

鎮遠至滇陸行三十餘日雖山路崎嶇無  
稍勞頓意自滇至抱十餘日誤行小道  
其幽昧險隘不勝艱苦之至念楚辭捷

徑窘步之語能無憮然

余於己丑由蕪湖赴豫觀省壬辰隨侍入  
都是年秋由東昌運河回皖甲午又由  
王營陸行壯上乙未南旋取道與甲午  
同所歷江浙吳越及齊魯燕豫之邦山  
川名勝人物風土在在可紀而意濶才



疎未遑思及每當閒居暇適之時憶向  
所閱歷如過眼煙雲為之三嘆今由浙  
蘭赴滇計程萬里跋涉百三十餘日長  
途寂寞借翰墨為消遣亦聊以存雪泥  
之迹語云讀萬卷書行萬里路予滋愧  
矣



抱泉紀畧

抱母井屬迤南普洱府環抱皆山曰龍鳳  
龜鱗一水中流曰抱泉漢夷雜處約千  
餘戶皆恃鹽井以生井有井四抱母其  
總名也

官廨居鳳山脚本鹽廳署近以鹽務殷繁

邊疆緊要改威遠同知駐此兼抱香  
二井鹽政乃滇南之邊缺也轄三土官  
均千總職一知事一經歷未立學附入  
府學二名

威遠本土州地雍正二年改土歸流相傳  
鹽井闢于有明日出鹵二百餘挑可煎



雲南通志載古爐在佑聖宮鑄  
于國初年間鏡台磨腹兩翅  
三足斑痕炯爛底有隙時滴瓊  
漿人取以療目疾多効

鹽六千餘塊、重三兩零居民以竈戶  
為業收賣則官司具司事

鳳山之巔有元龍寺、第二層供

漢壽亭侯案前有香爐一座長尺餘形如  
鼎爐底時有水點滴而下晴雨皆然香  
火盛時則更多寺僧承之以杯以治眼

五五

疾殊効亦一奇也

天氣自八月至三月和煖如春交四月節  
即溽暑蒸人時覺週身汗濕貪涼又易  
受寒故數月內眠食均不愜意

石榴 二月即開花茉莉自三月開至八  
月始謝色香俱似閩種佛桑花俗名大



紅袍木本無香四時皆花

桃李柿栗木瓜蒲桃等均如家鄉王永豆  
荚等菜三二月即采供蔬饌菟菜自二  
月食起至八月笋如家中春笋五月後  
始可食

滇黔人頸間多患瘰以山險水毒故也准

南子曰險阻之氣多瘰其信然歟

中元夜居民於山路上挨次插灯相間尺  
許曲逕透迤灯光閃灼亦殊有致

土產除鹽外別無他物粮蔬均仰給他鄉  
予于戊戌三月到署九月以鹽務滯銷赴  
雲州設店琴堂定省僅七月耳已二月



以矣銷課額赴袍并住十日